



正定府志卷之四十二

人物十二

列女下

贊皇縣

明

鄭氏溫尚善妻年十七夫死慎事舅姑冰蘖撫孤以有  
成立知縣戈正止其事以節孝旌之

張冬昏張廷女甫笄時里中少年乘閒以言挑之艷然  
怒罵遂不食越數日縊死臺使者姜某立石紀其事

張氏廩生安國常妻夫死守節夫啟十二年旌表

安氏義民韓日昇妻夫死守節有司上其事建坊旌表  
王氏趙秉直妻夫死年十八矢志不渝善事舅姑御史  
旌表其節

白氏鄭舉妻夫死年方二紀居貧無子矢志終身御史  
旌表其門

時氏任必榮妻夫死守節旌表

趙氏貢生馮藻妻夫婦悉以孝聞夫死氏孝益篤居貧  
紡績饘粥溫清未或少懈姑壽九十有四人皆以崔  
氏乳母比之表其門曰孝節雙隆

魯氏庠生任宏道妻韶年喪夫矢志守節御史旌表其

門

商氏吳魏妻二十二歲守節終身御史上其事旌之

馮氏于紹宗母題准建坊旌表

汪氏王樊妻年二十五守節善事舅姑御史旌表其門  
李氏安北宅妻年十八守節撫姪爲後孝事舅姑御史  
旌表其門

楊氏庠生高名儒妻孝於姑歲饑羣盜夜入其家欲擄  
以行氏怒罵不輟盜殺之旣死屍猶作怒色人謂節  
烈之操至死不變云

郭氏胡熙妻美姿容值穢寇猖獗欲污之氏正色怒罵

擊賊中目賊乃碎其身

安氏邑庠武觀光妻年二十夫死無所出翁妾有遺腹

子氏撫以嗣武後竟以貧淪沒旌表之典惜未及焉

董氏邑庠韓日照妻青年矢節孝事舅姑有司上其事

旌之

鄭氏劉體厚妻年十七夫死母欲奪其志剪髮自誓與

母絕往來學使者聞而旌之

秦氏閭調梅妻夫死非命氏號哭不食曰生爲閭妻死

爲閭鬼竟縊死

趙氏劉綬妻年二十八守節至老不渝御史表其閭

武氏吳某妻遇叛兵欲汚之氏罵不絕口兵以刀碎其面折其手死而復甦後面有刀痕手不能持物其夫憎之若魍魎然君子以爲榮於華袞

國朝

趙氏孝子趙斗南之女也年二十而寡守節終身

劉氏生員杜庚妻夫早世矢志節不改撫遺腹孤式綸克承先業卒以壽終有司上其事爲建坊立祠焉

杜氏張貞一妻夫死年十九以節自矢壽八十終有司上其事旌之

陳氏通志作劉氏趙國臣妻夫外出鄰人李旺入其室欲汚

卷四十二  
三  
刺之氏罵不絕口竟血刃而死焉康熙四十八年旌表

尹氏邑庠杜式第妻年二十而夫死守遺腹孤旋又夭折氏終無異志長齋供佛施舍貧人以壽終旌典未

及咸爲惜之妻夫早世夫前不知何故即旌典未及  
時氏劉元士妻年二十二夫死氏以孫婦代夫終祖父  
母養撫四歲孤教之成立乾隆二年旌表

張氏生員韓鵬妻夫死年二十八隨孀姑趙氏同礪冰  
操教其子承先輩聲序氏與姑苦守四十年乾隆

五年旌表

董氏生員郭式恒妻二十二夫故撫孤成立守節四十  
八年乾隆五年旌表

陳氏尹花妻年二十四夫亡殯葬甫畢復遭堂上大故  
氏處之悉循禮節夫弟尚幼撫之成立乾隆八年  
旌表

郭氏廩生杜元龍妻夫死無子守節三十餘年乾隆八  
年旌表

張氏劉朝妻年二十五而寡事老撫孤悉中禮節乾隆  
八年旌表

郭氏楊思聰妻夫死守節教子有成乾隆八年旌表

白氏張芳聲妻事舅姑以孝聞舅既歿夫亦逝世姑老  
且病適邑有寇患氏屢翼姑出危險姑病益篤顛以  
身代乾隆十四年 旌表

趙氏張芳聲妾年二十而寡守節三十年乾隆九年  
旌表

張氏李貺心妻年二十四夫亡氏奉孀姑孝養無間遺  
孤在抱撫之成立苦節二十八年乾隆十三年 旌  
表

侯氏郭仲妻持節二十八年代夫終二老養教子成立  
乾隆十三年 旌表

張氏郭式儀妻儀歿時氏年二十有二守節二十三年  
乾隆十三年 旌表

李氏杜元聰妻夫死家甚貧姑老子幼氏以身肩之苦  
節四十二載乾隆十三年 旌表

李氏馮儒妻儒死氏年二十四子女俱無居貧紡績卒  
年九十有七

曹氏杜欽承妻年二十二夫歿撫兩孤成立年九十卒  
王氏巡檢馮毓華妻華告終父養不許氏以媳代子值  
堂上病危泣禱身代旬日竟痊人以爲孝感云

任氏胡藥龍妻年二十三夫死撫孤成立苦節四十一

年乾隆十三年 旌表

梁氏田喜成妻夫死守節家貧無依有欲奪其志者氏以死矢之

張氏田友妻年二十八夫故子亦早卒借媳劉氏共撫幼孫年九十有三孫又卒孫媳李氏亦青年守志人以爲田氏三節云

李氏年十六歸王仲五載仲歿遺孤僅三歲氏居貧守節終二老養乾隆十三年 旌表

閻氏殷有名妻年十九夫故守節撫孤成立

晉州

元

張氏郝伯堅妻年二十二伯堅卒氏事親撫孤以完節  
終至正十二年旌表

解氏趙宏毅妻宏毅任翰林編修子恭中書管勾會明  
兵入城宏毅并氏及恭俱縊死孫女官奴見恭死方  
大泣鄰嫗勸其出避官奴曰我未適人避將何之嫗  
力挽之官奴曰人生在世便百歲亦須一死耳乃潛  
入中堂解衣帶自縊

明

陳氏呂敬妻年二十二夫卒守節凡宴會皆不與或強

之曰我孀婦且無子自當遠嫌惟撫孤女勤紡織而  
已孀居六十年至八十餘而終宏治四年郡守以開  
紀姜女年十六歲正德六年遭流賊過其家見紀欲犯  
之紀不從以死自誓賊重其色不肯害脅以兵紀詈  
罵不止賊怒支解之及葬肌膚支節散亂乃以麻稽  
束而葬焉人咸壯其節而哀之

郭氏谷嘉訓妻年二十二嘉訓卒姑以其幼且無子欲  
嫁之郭誓與夫同穴舅姑暨父母指示百端郭惟號  
泣而已頃之治香紙哭於夫之墓歸家自縊而死

王氏庠生張渠妻渠卒氏年二十七欲自盡翁諭之曰

汝有孤在汝死何以慰爾夫於地下耶氏感悟謹持  
婦道撫子成立年八十以壽終郡守爲之請旌

賀氏庠生蔣志道妻夫故氏四日不食縊于柩側

陳氏張舉妻 張氏劉承祐妻 焦氏周蘭妻 張氏

王瓚妻 高氏楊英妻 姚氏韓昶妻 呂氏劉璽

妻 馮氏蔣德妻 李氏高儀妻 吳氏張稷妻

以上皆夫亡守節題准旌表

馬氏盧瓚妻年十九夫卒艱苦備至教子成名卒年八  
十九州守建坊旌焉

尹氏舉人祕良翰妻年二十六夫歿遺子師尹方襁褓

氏躬自教育遊庠後又卒氏謂媳張氏曰吾忍死三  
十年不幸又喪孤汝當繼我志張泣從之姑媳同處  
一室守節七十年至九十一歲卒入恒山節烈祠祀  
焉

龐氏王椿妻年二十四而寡子女俱幼家貧甚夫弟欲  
奪其志氏以死自誓卒年七十五子女皆克成立州

收詳請旌表

石氏庠生劉濬妻年十八守節終身知州屢表其門

紀氏張燮妻燮爲山西臨晉知縣卒於官氏矢節終身

天啟七年旌表

國朝

劉氏庠生韓宰妻夫亡氏年二十一一家貧翁姑皆賴其  
養遺子方幼氏勤紡織教之讀書康熙間旌表

馬氏張宗舜妻年二十九夫歿遺孤名士尚幼氏矢志  
守節勤紡織以自給後孤登武科官都閩氏年七十  
餘無病而逝康熙間旌表

劉氏經歷楊應元妻直指蘇某表曰貞節

吳氏庠生尹天民妻直指鄧某表曰貞節

張氏姚光蔭妻年少而寡族人欲奪其志氏曰夫遺命  
撫孤何忍相背誓死以守苦節二十餘年康熙八年

旌表

馬氏劉之垣妻氏素以賢孝稱及夫亡遺孤尚幼氏養

教備至俱得成立年逾八十而卒

傅氏韓德亮妻 彭氏王大本妻 閻氏趙可畏妻俱

守節 旌表

張氏周宏任妻年十九夫亡紡績養姑教子成立雍正

三年 旌表

張氏王家玉妻年二十四夫歿敬事舅姑教育諸子雍

正五年 旌表

高氏趙恒妻年二十夫亡事姑課子守節四十年雍正